



UNIVERSITÄTS-
BIBLIOTHEK
PADERBORN

Universitätsbibliothek Paderborn

Divo Dionysio Et Sociis Ejus Martyribus Hymnvs

Santeul, Jean de

[S.l.], 1670

Fuso purpurei sanguine Martyres ...

urn:nbn:de:hbz:466:1-13456

FUso purpurei sanguine Martyres,
Si non facta pares possumus assequi,
Saltem nos liceat visere tot loca
Vestri, conscia funeris.

Fornax innocuis blandior ignibus,
Parcis Martyribus, tu quoque clarior
Illâ, quam Babylon construit impia
Illæsis pueris tribus.

O nox purpureo splendidior die!
O dulces tenebræ! carcer amabilis!
O Sacri lapides! ô bona vincula,
Sanctus quæ decorat cruor!

Per vos sancta Fides crescat, & optima
Spes, & juncta comes flammea Charitas,
Quando vestra, Patres, progenies sumus,
Et vestro sata sanguine.

Si nos respicitis, clarior in dies
Surget Relligio, moribus integri,
Lustratis animis unanimum simul
Nos præstabimus hostiam.

Patri maxima laus , maxima Filio ,
Amborumque sacro maxima Flamini ;
Uni juncta litans & triplici Deo ,
Triplex se vovet hostia.

PRO S^{TO} JOANNE DE DEO

Fratrū egros Pauperes curantium Institutore.

H Y M N U S.

PRINCIPES Pauper sedet inter altos ,
Splendido lucis rutilans amictu ;
Vilis & pannus modo quem tegebat ,
Gloria vestit.

Additus celfo nova lux Olympto ,
Clarat obscurum genus , atque fines ;
Unde vitales puer hausit auras ,
Ornat Iberos.

Creber occultos Inopes adibat :
Huic pios sensus , teneramque mentem
Ipsa formarat Pietas , ab annis
Insita primis.